



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

Anr. 608/2013

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Hasan Shala kryesues, Ferit Osmani dhe Rafet Haxhaj anëtarë, duke vendosur lidhur me ankesën e Rrjeti Ballkanik për Gazetari Hulumtuese (BIRN), paraqitur kundër Komisionit Qendror Zgjedhor (KQZ), për shkak të parregullsive gjatë procesit zgjedhor, në seancën e panelit të mbajtur me 07.11.2013, mori këtë:

VENDIM

Refuzohet si e pabazuar ankesa e Rrjeti Ballkanik për Gazetari Hulumtuese (BIRN).

Arsyetim

Me datën 04. 11. 2013 PZAP-i, ka pranuar një ankesë nga BIRN, në të cilën theksohet se me datën 03.11.2013, në ditën e zgjedhjeve gjatë monitorimit të procesit zgjedhor në QV 1701C në komunën e Pejës, në këtë qendër kutit e votimit kanë qenë të vendosura në katin e dytë edhe pse në mesin e votuesve ka pasur persona me aftësi të kufizuar. Me këtë rast është bërë shkelja e nenit 86 pika 6 i cili thotë VV janë në vend të qasshëm për tu mundësuar votuesve të formojnë dhe të qëndrojnë në rresht dhe duhet, kur është e mundshme, të kenë qasje të niveluar që personat me aftësi të kufizuar të kenë hyrje dhe dalje të pa penguar .VV-të të kenë ndriçim adekuat dhe mbrojtje nga aksidentet elementare.

PZAP-i, në kuptim të nenit 4 paragrafi 3 të Rregullave dhe Procedurave të PZAP-it, e informoi KQZ, me datën 05.11.2013, për ankesën që është bërë ndaj saj dhe ka kërkuar që të përgjigjet ndaj ankesës deri më datë 06.11.2013, ora 10:00.

PZAP-i, sipas afatit të caktuar nuk pranoi përgjigjen në ankesë nga KQZ-ja në të cilën do të sqaronte se a janë të bazuara pretendimet e BIRN-it.

PZAP-i, pasi që shqyrtoj ankesën gjeti se:

Ankesa është e pabazuar

Me nenin 118.4 LZP-së, parashihet se: *“Mund të apelohe vendimet e PZAP-it, sikurse PZAP-i mund të rishikoj cilindo nga vendimet e marra pas prezantimit të fakteve të reja nga pala e interesuar*

Sepse lidhur me pretendimet ankimore të BIRN-it nuk ka prova dhe se një ankesë e tillë është e pabazë dhe se një pretendim i tillë i ankesës u vlerësua si përgjithshëm dhe i pa argumentuar mirë në fakte dhe në dëshmi konkrete bindëse. Andaj PZAP-i duke u mbështetur në nenin 118 paragrafi 1 të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

Anr. 608/2013 më datën 07.11.2013.

Kryesuesi i Panelit

Hasan Shala



Këshillë Juridike:

PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i.*